



## Qaaqqusissut

**Aalisarnermut, Piniarnermut Nunalerinermullu Naalakkersuisoq Karl  
Lyberth qaaqqusivoq**

**Kalaallit arfanniartarnerat aamma Arfanniarneq pillugu Nunat tamalaat  
akornanni Ataatsimiititaliarsuaq pillugu isumasioqatigiissitsinissamut**

10-10-2013  
Sags nr.2012-071094  
Dok. nr.1358221



International Whaling Commission

Postboks269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.nanoq.gl

7. november 2013 ualikkut isumasioqatigiinneq (nalunaaqutaqaallartiffissaq  
Nuummilu sumiiffissaatoqqartorneqassapput piaarnerpaamik)

IWC-p ataatsimiititaliarsua kingullermik 2012-imi ataatsimiimmat Kunngearfiup piffissami 2013-2018-imut kalaallit arfernik angisuunik pisassinneqarnissaannik qinnuteqarnera akuerineqanngilaq. Taamalu IWC-p Ilisimatuussutsikkut Ataatsimiititaliaata pisassiisutissat qaffassiissusissaat pillugu innersuussaa tunngavigalugu Namminersorlutik Oqartussat 2013-2014-imut pisassiisutissat nammineerluni aalajangersartariaqarsimavai, IWC-ip ataatsimiititaliarsua nutaamik ataatsimiissinnaanerata tungaanut (2014-imi ukiaaneranut pinissaa aalajangerneqarnikuuvoq). Qallunaat naalakkersuisuisa tamanna isumaqatigiisummik unioqqutitsinertut paasivaat 2013-illu naanerani pisup naammagi-nartumik isumatigiissutigineqarnikkutpaasinarsisimangippat IWC-imit aninissaq kissaatigaat.

Ammasumik oqallinnikkut isumasioqatigiinnermi suliap sumi tamaniit isigalugu takunissaanut periarfissiissaaq kiisalu 2012-imi IWC kingullermik ukiumoortumik ataatsimiinnerani pisassiisoqanngitsoornerata piviusumik isumaa annertu-nerusumik paasinarsarneqassalluni. Angusaagallartup killiffianik naliliinissaq piffissanngorpoq kiisalu siumut isigaluni aqqutiginiakkap oqallisiginissaanut.

Ullormut oqaluserisassaagallartoq ilanngunneqarpoq.

